



BASHKIA LEZHË

BASHKIA LEZHË NË PARTNERITET ME PROGRAMIN ReLOaD SHPALL:

**THIRRJEN E DYTË PUBLIKE PËR ORGANIZATAT E SHOQËRISË CIVILE PËR
DORËZIMIN E PROJEKT-PROPOZIMEVE NË PROGRAMIN RAJONAL PËR
DEMOKRACINË VENDORE NË BALLKANIN PERËNDIMOR
(ReLOaD)**

Programi Rajonal për Demokraci Vendore në Ballkanin Perëndimor (ReLOaD) financohet nga Bashkimi Europian dhe zbatohet nga Programi i Kombeve të Bashkuara për Zhvillim (UNDP) në gjashtë vende të Ballkanit Perëndimor, përfshirë: Shqipërinë, Bosnjën dhe Hercegovinën, Kosovën¹, ish-Republikën Jugosllave të Maqedonisë, Malin e Zi dhe Serbinë. Qëllimi i përgjithshëm i programit ReLOaD është që të fuqizojë demokracitë pjesëmarrëse dhe procesin e integritimit në BE në Ballkanin Perëndimor duke e fuqizuar shoqërinë civile që të jetë pjesë e proceseve të vendimmarrjes si dhe duke kontribuar e mundësuar një mjedis ligjor, financiar dhe inkurajues për shoqërinë civile.

Qëllimi specifik i këtij programi është fuqizimi i bashkëpunimit ndërmjet njësive të pushtetit vendor dhe shoqërisë civile në Ballkanin Perëndimor, duke inkurajuar zbatimin e modelit të suksesshëm të realizuar në Bosnjë dhe Hercegovinë lidhur me financimin e organizatave të shoqërisë civile (OSHC) nga buxheti i pushtetit vendor në përputhje me prioritetet vendore. Programi ReLOaD do të promovojë sinergji ndërmjet bashkive dhe OShC-ve duke kontribuar në rritjen e cilësisë së jetesës në rreth 50 njësi të pushtetit vendor në gjithë Ballkanin Perëndimor, të cilat priten të përfshihen dhe të kenë përfitime direkte në proëese vendimmarrëse, gjithëpërfshirëse dhe transparente. Programi do të zbatohet për një periudhë 36 mujore (Janar 2017 – Janar 2020). Në kuadër të këtij programi, në Shqipëri pritet të zbatohen rreth 50 projekte të OShC-ve në 12 bashkitë partnere² dhe të ofrohen shërbime të përmirësuara dhe të shumëllojshme për qytetarët në këto bashki.

Për sa më sipër, Bashkia **Lezhë** dhe programi ReLOaD fton të gjitha Organizatat e Shoqërisë Civile (OSHC-të) në Shqipëri që të paraqesin projekt-propozime që janë në përputhje me objektivat zhvillimore dhe prioritetet e Bashkisë Lezhë si më poshtë:

¹ Të gjitha referencat lidhur me Kosovën duhet të kuptohen në përputhje të plotë me Rezolutën 1244 (1999)

² Durrës, Dibër, Shkodër, Prrenjas, Elbasan, Korçë, Librazhd, Tiranë, Tropojë, Roskovec, Përmet and Lezhë

1. Prioriteti : Ekonomia dhe Sipërmarrja

- Fuqizimi i kapaciteteve dhe shumëllojshmërisë së ndërmarrjeve të vogla e të mesme që shfrytëzojnë prodhimin dhe prurjet turistike rajonale, zejet dhe produktet e traditës.
- Fuqizimi ekonomik dhe rritja e pjesëmarrjes në sipërmarrje e të rinjve , grave, vajzave, si dhe njerëzve me sfida shoqërore
- Rritja e aftësive dhe kualifikimeve profesionale të fuqisë punëtore që mundëson përfshirje aktive të të dy gjinive në tregun e punës dhe jetën shoqërore të qytetit.

2. Prioriteti : Cilësia e jetës dhe Komuniteti

- Fuqizimi i mundësive të njerëzve në nevojë për shanse të barabarta, zhvillimi dhe integrimi në jetën shoqërore dhe komunitare
- Shtimi i mjediseve cilësore dhe i masave që garantojnë një jetesë aktive, të shëndetëshme dhe të sigurtë për qytetarët e të gjitha grupmoshave

3. Prioriteti : Mjedi dhe shërbimet publike

- Menaxhimi i integruar dhe mjedisor i mbetjeve të ngurta urbane në partneritet me komunitetin, biznesin dhe OJF-të
- Ofrimi i shërbimeve publike mjedisore dhe efçente që mbrojnë jetën, natyrën, biodiversitetin dhe i shtojnë vlerën qytetit

Shuma e fondeve për projektet e miratuara do të jetë nga 1.000.000 Lek deri 3.500.000 Lek.

OSHC-të mund të dorëzojnë më shumë se një projekt-propozim nëse shuma totale nuk tejkalon shumën prej 7.000.000 Lek për gjithë kohëzgjatjen e projektit ReLOaD (Shkurt 2017 – Janar 2020).

Bashkia rezervon të drejtën të mos i alokojë të gjitha fondet që ka në dispozicion në rast se projekt-propozimet e paraqitura nuk i plotësojnë kriteret e përcaktuara. Kohëzgjatja e secilit projekt mund të shkojë nga 6 deri në 8 muaj. Projektet e përzgjedhura duhet të zbatohen në periudhën nga muaji Maj 2019 deri në Dhjetor 2019.

PËRSHTATSHMËRIA/PRANUESHMËRIA:

Pjesëmarrja në këtë thirrje publike është e hapur në baza të barabarta për të gjitha OShC-të e regjistruara zyrtarisht (shoqata/organizata apo fondacion) në përputhje me ligjet dhe rregulloret në fuqi në Shqipëri. **Të gjitha organizatat e shoqërisë civile të interesuara mund të gjejnë informacion të hollësishëm rreth kushteve për aplikim si dhe për kriteret për financimin e**

projekteve në Udhëzimin për Aplikantë (Shtojca 6), pjesë përbërëse e dokumentacionit të thirrjes publike.

DOKUMENTACIONI:

Dokumentacioni i aplikimit për thirrjen publike të **Bashkisë Lezhë** do të jetë i disponueshëm nga 06.02.2019 pas dërgimit të një kërkesë me e-mail në adresën pzhvillimi@lezha.gov.al ku duhet ta citoni emrin e organizatës së interesuar; ose duke u paraqitur personalisht në **zyrën:**

Bashkia Lezhë
Drejtoria e Integritit European dhe Programeve të Zhvillimit,
Rruga Frang Bardhi, (Përballë Prefekturës)
4501, Lezhë

Të gjitha informatat e nevojshme, si dhe një version elektronik i paketës së aplikimit mund të gjendet edhe në web-faqen zyrtare të Bashkisë Lezhë, www.lezha.gov.al si dhe në web-faqen e UNDP (www.al.undp.org).

Me qëllim mbështetjen e OSHC-ve për të paraqitur aplikime në përputhje me kriteret e Udhëzuesit, projekti ReLOaD do të organizojë takime informuese/ ditë të hapura, trajnime si dhe mbështetje specifike gjatë shkrimit të projekt-propozimit. Më konkretisht:

1. Bashkia Lezhë do të organizojë një takim informues/ditë të hapur mbi Thirrjen e dytë publike, ku ftohen të marrin pjesë të gjitha organizatat e interesuara për të aplikuar në përgjigje të kësaj thirrjeje. Ky takim ka si qëllim informimin e OSHC-ve mbi elementët kryesorë të Thirrjes, duke u fokusuar tek elementët më të rëndësishëm për OSHC-të. Për Bashkinë Lezhë takim informues do të organizohet gjatë muajit **Shkurt 2019**. Më shumë detaje për këtë aktiviteti do të jepen së shpejti nga Bashkia përkatëse nëpërmjet website.
2. Një trajnim tre ditor mbi ciklin e menaxhimit të projekteve për përfaqësuesit e të gjithë OSHC-ve të interesuara për të aplikuar në kuadër të kësaj Thirrjeje për Bashkinë Lezhë do të organizohet gjatë muajit **Shkurt 2019**. Trajnimi do të fokusohet në paketën e aplikimit të kësaj Thirrjeje, por do të përmbajë gjithashtu edhe njohuri të tjera më të gjera që lidhen me menaxhimin e projekteve. Më shumë detaje për këtë aktiviteti do të jepen së shpejti nga Bashkia përkatëse nëpërmjet website.
3. Mbështetje konkrete për OSHC-të nëpërmjet ofrimit të këshillave për shkrimin e projekt-propozimit. Në Bashkinë Lezhë, ekspertët e ReLOaD do të jenë të pranishëm në zyrat e Bashkisë 3-4 ditë gjatë muajit **Mars 2019** për të organizuar sesione trajnime specifike me organizatat të cilat janë në fazën e shkrimit të projekt -propozimit në kuadër të kësaj Thirrjeje. Më shumë detaje për këtë aktivitet do të jepen së shpejti nga bashkia përkatëse nëpërmjet website.

Pyetje rreth ftesës publike mund të bëhen nëpërmjet e-mail adresës registry.al@undp.org, duke iu referuar thirrjes publike. Pyetjet mund të dërgohen deri më 10.02.2019 ndërsa përgjigjet do të jepen me shkrim brenda 5 ditëve punë që nga data e pranimit të pyetjeve përkatëse. Për qëllime transparence, përgjigjet do t'u dërgohen gjithashtu të gjithë aplikantëve të mundshëm ose do të botohen në faqen e internetit të bashkisë dhe/ose UNDP.

DORËZIMI I APLIKIMEVE:

Aplikimet e plotësuara (me të gjithë dokumentet mbështetëse) duhet të dorëzohen **në tri (3) kopje të shtypura dhe një kopje elektronike (CD apo USB)**, të vendosura në një zarf të vulosur mbi të cilin është shkruar referenca e thirrjes publike, përmes postës zyrtare apo personalisht, gjatë ditëve të punës (e hëne – e premte), nga ora 09:00 deri ora 15:00, në adresat në vijim:

Bashkia Lezhë
Zyra e Protokollit, Kati I
Sheshi "Gjergj Kastrioti"
4501, Lezhë

Afati për dorëzimin e aplikimeve është data 20.03.2019 , ora 15:00. Aplikimet e dorëzuara pas këtij afati do të merren parasysh vetëm nëse vula postare tregon se data dhe koha e dërgimit ka qenë para mbylljes së afatit zyrtar. Pjesa e jashtme e zarfit duhet të përmbajë titullin e thirrjes për dorëzimin e propozimeve, emrin dhe adresën e plotë të kandidatit, emrin e plotë të projektit dhe mbishkrimin **“Të mos hapet përpara hapjes zyrtare.”** Formulari për regjistrimin e dokumentacionit të pranuar lëshohet nga përfaqësuesi i bashkisë. Të gjithë aplikantët që kanë paraqitur propozime, pavarësisht nëse pranohen ose jo, njoftohen me shkrim për vendimin e marrë për projekt-propozimin e tyre brenda 30 ditëve pune nga mbyllja e thirrjes publike. Rezultatet do të publikohen në faqen e internetit të bashkisë www.lezha.gov.al në tabelën e njoftimeve të bashkisë, dhe në faqen e internetit të UNDP-së (www.al.undp.org).